

永昌縣志卷之二

建置志

輜軒過都邑輒知吏治之興衰與民力之勤惰其所營構具見也以資保障以莅官寮以報功而崇祀要已至于豐積儲備簡閱與夫市肆村落津梁之屬分在公私以時修築毋昔隆而今替毋始闕而今無其斯為樂郊矣乎

**城池**在金山之陽非漢唐故址也五代地陷吐蕃至宋始復迺築斯城金元因之明洪武二年指揮使張傑重修萬歷二年叅將王廷政增廓焉

國朝乾隆二十九年知縣吳憲青詳葺較整嘉慶八年北門

永昌縣志

卷二

一

樓傾并其垣壞知縣孫步蟾修之城圍七里三分高三丈頂濶一丈二尺甃堞二千有奇高三尺四寸門四東曰宣化南曰武勝各三重西曰鎮西北曰安定各二重門樓大小有十各如其門之重數腰角樓各四以備巡邏池深一丈二尺濶二丈二尺東西弔橋各一郭惟南關有之圍二里二分高二丈濶一丈東西門各一明成化八年指揮使高昇築今半圯

聲教樓當城正中萬歷十五年叅將李魁指揮僉事趙希雲仝建乾隆中重修凝然完固

**官署**舊衛署在大東街少北以其統領五所故稱大衛元

之藩邸在焉改為

萬壽宮正殿七間東西朝房各二間門三

縣署在東南隅地本衛倉康熙間移建衛署于此雍正初改縣仍之坐東向西南北柵門各一大門三間門內南為倉院中置廐神祠馬神祠驛館在焉北亦倉院囹圄在傍儀門三間案牘祠位南胥役房附北南北科房各十正堂三間左置隸房右置庫堂後退思廳三間內為官舍廳以北為幕館為客軒軒東偏為射圃為花亭廳南為厨廐之屬乾隆四十九年知縣李登瀛于退廳前置捲棚堂北隅起正位樓嘉慶十六年知縣孔廣枚詳修之捕廳在縣署

永昌縣志

卷二

二

西北乾隆四十一年典史彭啟煥建

協署在南什少西明宏治十三年巡撫周季麟率遊擊趙琮創建萬歷二年叅將劉承嗣重修故遊擊署後改叅及副仍之坐南向北東西轅門各一中豎坊左右為旗臺大門三間儀門稱之東西廊房各五中軍廳在西側大堂五間二堂同內宅大小廳舍悉具其外庫局箭亭更樓無弗備焉

都司署在協署西偏乾隆四十二年建明守備署舊址也千把總舊無署僦舍以居

醫學陰陽學僧會司道紀司均無常所

行署察院附近南門本廣禪寺明洪武間御史胡明善改修公宇以憩使節今為關帝廟

布政分司在察院右偏明成化中叅議劉賔建久廢

今檐帷駐所在東什少北為明尚書胡宅故址

儒學在東北隅文廟之西明正統中建本教授署明倫堂五間南向東西兩間作博文約禮齋大門儀門悉稱乾隆三十五年教諭楊官修之内外始整

廟祠文廟在城東北隅元季剝于兵燹明永樂宣德間實肇其基成化五年巡撫徐廷璋修之次第葺理者指揮趙光遠叅將李秉誠也

國朝康熙十年教授劉顯謨重修協將達爾護贊成之厥後遊擊任嵩彌縫其闕乾隆己未以來屢經小補廟南向街口牌樓一座曰聖道中天廟門南向牌樓一座東西兩邊角門二闔泮池周圍十丈橋亘其上引大北壩水注之櫺星門五間門內名宦忠孝祠在東鄉賢義士祠在西戟門三間東西廡各七間神厨在東廡旁神庫在西廡旁正殿五間配哲如制廟外西側為節婦祠

崇聖祠在正殿東北祠後為尊經閣閣左為敬一亭閣右亭立卧碑

文昌宮在文廟東偏

魁星樓在文昌宮後初建無攷明萬歷十八年補葺嘉慶十六年闔邑紳耆士庶捐貲重修有記

關帝廟在東南隅洪武中建萬歷四十一年叅將李秉誠重修南向大門三間東西角門各一樂樓三間鐘鼓樓各一大殿五間抱廈三間兩廡各五間後殿三間

城隍廟在西南隅南向東西角門二中豎牌樓一座樂樓三間過亭設儀衛正殿三間抱廈如之兩廊列諸冥報狀殿後退亭寢殿具備建自明洪武二十年後來節經修理敞麗有加行宮在北門外

東嶽廟在南關

永昌縣志

卷一

四

西嶽廟在北大街

火神廟在南門東偏

馬神廟在南門西偏

龍神祠舊在大經巷乾隆四十七年知縣李登瀛移置財神閣西偏竝供雪神像禱雨雪恒于此

土神祠在大衛邑人以仲春二日報賽八蜡附焉

藥王宮在西南隅其後為文昌閣嘉慶十六年重修

三皇廟在南關

三官廟西大街及東西南關皆有

城東二里有振武將軍孫公思克祠城西二里為川陝制

軍殷公祠

司徒胡公執禮堂議與興文社並建

**壇壝**社稷壇在城西二里建自明洪武指揮使張傑

風雲雷雨山川城隍合壇在城南一里亦明張傑建

先農壇在城東二里雍正五年建四面圍以墻墻外植木  
中有正房配房其前為藉田

厲壇在北門外城隍行宮之側

**倉廩**本城南北倉院共廩八十間永寧堡廩十間水泉堡  
廩二十間草廩舊在城內東北隅以地卑濕移南門外

**驛塘**永有兩驛一在本城南倉院東遞沙河西遞水泉一

永昌縣志

卷一

五

在水泉堡東遞本城西遞硤口每驛原設馬三十二匹夫  
二十名自新疆開關兩驛各置馬六十匹夫三十四名本  
城遞運所牛九頭車九輛水泉所如之各附本驛以備輓  
運塘有三本城崇岡堡水泉堡各設馬十二匹夫六名奏  
摺部檄由之以達

**演武場**在城外東北里許嘉慶十四年移置其左較為坦  
潤其在城內東南隅者日常校閱處也

**雲川書院**乾隆二十七年知縣郭昌泰倡建南向大門三  
間儀門稱是明經堂五間壁函忠孝廉節四大字碑知縣  
白鍾麟書也正廳五間內外東西齋共十六間膳夫門役

住舍具焉廳北菜圃一區可二十畝直抵城垣佃種收租以銀二千兩分給典商生息供師生束脩膏火乾隆四十九年知縣李登瀛採得閒田招民佈種納租于倉供書院不時之需

**義學**邑鄉凡士在文廟街者一清溪永安高古新城寧遠各一皆舊置其一在城中南隅乾隆四十九年知縣李登瀛建

**粥廠**在小北街署知縣楊毓錦建

**養濟院**在大衛西偏

寺觀城中東北曰通天觀即玉皇廟也肇自元初明正統四年都指揮使宋忠復建萬歷中邑紳胡大年廓之皆有碑記乾隆五十九年重修東門迤左曰大覺寺中為佛傍供油神鄉邑開榨者咸祈福于此北門前曰金牛寺西門以左距百數十武曰千佛寺右數武曰彌陀寺二刹小而幽可為士人藏息之地永壽寺在西南隅準提寺近南什永福寺近東什此其城以内者

城外北二里許曰金川寺俗稱大寺唐時敕建為永第一禪林僧慧妙不時募貲修理前後鑿池引水種松柏諸樹今已蔚然深秀後院觀河樓面山環渠足稱幽絕寺東偏水雲觀在焉有亭可以坐翫前為觀音臺起綠潭中又前

為韋馱堂以橋通之頗清爽宜人乘輶過者多來此自是少東為魁星樓樓側浮圖與在金川寺者若雙岑對峙迤南酒僊等閣憑嶂而立雷臺火神宮鱗次相接其地周遭止五六里高下布置據一邑之勝南關有觀音寺遠則接引寺在縣東三十五里古佛寺在縣東二十五里聖容寺即後大寺在北二十五里寺前後皆山門外一灣流水泠然可愛西南三十里曰靈應寺南五十里曰沙溝寺番僧所居其附見于山川者不贅

市鎮商鮮居積計全境所有不過通都數大賈耳城以外惟新城水泉寧遠有市餘無足道

堡寨在縣東者二十里曰真景堡往昔屋宇相聯今則晨星落落矣三十里曰通津堡又十里曰宣德堡又十里曰樂豐堡至六十里曰清溪堡為檐帷暫駐之所多逆旅亦有小貿六十五里曰九壩堡抵武威界東南四壩寨距縣三十里朱黃寨五壩寨均三十五里永安堡五十里直南三十里曰永豐堡隸金龍壩在西南者有四者來寨二十里塔兒灣堡三十五里屯興堡六十里新城堡七十里有營汛賈販較多附居回民五十餘户在西者六雲川堡二十里劉可莊三十五里凡鄉居皆稱莊此則非一家者北古城堡趙興莊均三十五里姚家寨六十里高古城堡七

十里置營所居兵多民少在西北者六陳家寨十里崇岡  
堡三十里毛卜喇堡三十五里伏羌侯置他姓間處其中  
金川堡四十里王秀堡五十里水泉堡六十里有營有倉  
有驛市肆亦繁北則河西堡河東堡宗家寨皆距縣四十  
里寧遠堡七十里有營多商東北則崔家寨三十五里宇  
保堡四十里青山堡六十里所稱下十堡者俱在縣之東  
北距一百十五里曰杜家寨百二十里曰永寧堡有兵把  
總領之有倉百二十五里曰梅家寨百三十里曰湯呂堡  
百四十里曰朱王堡陳倉堡宮家堡百五十里曰東新堡  
百六十里曰董家堡鄭家堡

橋梁到處有之但用木無甃以石者村埜間水涸始成惟  
征途所需則恒而固

坊表天衢首步坊為舉人嚴明立今廢

志存報國坊為尚書胡執禮立舊在宅前今移置又有蚤

歲登瀛黃甲開先及其子有年世科坊皆廢

三邊掛印坊為總兵郭琥立今廢

西雍保障坊為指揮僉事王守中立

世沐天寵坊為舉人沈再思立

望重南宮坊為進士王懋學立

老成獨步坊為進士曹毓芬立今廢



金水毓靈坊為舉人謝弼翰立  
綸楊順德坊為孝子張紹訓立  
誼重賢書坊為舉人方毓倫立  
恩褒婦德坊為貢生魚溫妻李氏立  
志貞金石坊為監生杜含葦妻曹氏立  
天培苦節坊為童生方鏗妻張氏立

貞節坊多在鄉堡不具載

古蹟鸞鳥縣城漢武元鼎六年築縣西南百二十里上房寨是其遺址舊志引寰宇記云前涼張軌時昌松縣有五色鳥因築鸞鳥城以美之按永在晉時為顯美縣非昌松也

永昌縣志

卷一

九

金呂山城晉武帝咸寧六年馬隆既破樹機能依金呂山築城以防舊志謂在毛卜喇是也蓋永之北峙統名金山其近毛卜喇者人呼金玉山玉與呂音相近耳焉支縣城晉懷帝永嘉五年依焉支山置縣縣如山名今西南高古城距焉支山不遠殆晉城之故址也大斗軍唐志開元十六年于涼州西二百里置大斗軍因大斗拔谷為名舊志指為縣西四十里之塔兒灣以道里形勢較之甚確天寶六年哥舒翰為大斗軍副使吐蕃遁跡少陵贈翰詩有天山早挂弓句時杜居秦州故悉其事

如此

永昌王宮殿原址在幹耳朵古城今之黃城灘是也其南距一舍有避暑宮土纍纍猶可識邑城中大衛又有邸墓蓋自初封已來歷年多宜其頻建但未知孰為先後至武威西北三十里之永昌府其行宮也

南北古城在縣西南三十里二城相望破古城在縣東北百二十里近昌寧湖按元明之時防寇屯耕率多築垣以居後來概名為古城云

祁忠勇公孤軍戰勝處在城東三里許有碑記

高昌王墓在縣北二十五里聖容寺傍元延佑間葬至元

永昌縣志

卷一

十

間其子御史大夫帖睦兒普化來上塚奉敕鑒世勲碑今亡

永昌王墓在縣東南百二十里墓西側有二塚俗呼娘娘墳其妃墓也當在元之季世兵興道梗故未遷歸

伏羌侯毛忠墓在縣南三十里地名保保溝

戶部尚書胡執禮墓在縣南四里

總鎮郭琥墓在縣北二十五里土呼郭家墓坑

總鎮馬爾值墓在縣北五里

提督楊時墓在縣南七里下廊廟灣

衛守徐名顯墓在北門外城隍行宮之西係大興人康熙

中卒于官遺囑葬此聞其後有興者

論曰營建自公道在勞而不怨厥訓章矣私則度力圖成  
殆人情乎若夫私而公者堡寨以睽其居恒坐視頽垣而  
佛刹仙宮靡不醵金以助是亦胡可廢然過事莊嚴或增  
設之則所耗多矣至主者樂善而間為已謀何也